

HERNANIN

Gaur hasi eta sei egunez

Sanjoanak beti San Juan eta garai berdinean. Aurten ere hutsik egin gabe badatozkigu, udararen atari, Hernaniko San Juan jaiak. Joan den asteburuan Ereñozun berotutako gorputzek, izango dute parada gaur hasi eta ostegunerarte nahi hainbat dantzatzeko eta dibertitzeko.

INAKI BASTARRIKA / HERNANI

Jaien hasiera ofiziala igande eguerdiz 12.00etan izango bada ere, gaurko egunak badu zer emanik. Goizeko 9.00etan haurrentzako San Juan tenis torneoaren azkenak izago dira, 10.00etan tiro-platoa, 12.00etan '24 ordu irratia eta sua' lehiaketa irratizaleentzat. Arratsaldeaz pailazoak eta txokolatada 17.00etan Gestoren tabernan, 20.00etan kalejira-manifestazioa eta 22.00etan Molotoff irratia saio berezi bat egingo du plazatik bertatik. Afalosterako emanaldi polita dago Gestoren tabernan: Kaxiano eta Kepa Juke-ara arituko dira. Gauerdirako rock kontzertu martxo-soa iragarri dute Ezkiaga pasealekuan; lau talde arituko dira jo eta su jaietako lehen gauari nota potente batzuk jartzen: Lusty Men, La Perrera, Underground Arrows (Erroma-koak) eta Potaxxe. Giro beroa beraz gaur gauerako, norberak har diezaiola neurria gauari!

Igandean, besteak beste, Atleta osoaren proba egingo da herriko kaleetan. Goizean, haurrentzako jokoak, erretiratuaren egoitza bolo jokoak, palankariak Landare zelaian eta probintziako uxapal lehiaketa izango dira parte hartu edo ikusi nahi duenarentzat.

Eguerdiko hamabietan txupinazoarekin hasiko dira ofizialki jaiak; herriko txistulari taldeek 'San Juan Martxa' joko dute udaletxearen aurrean. Ondoren, erraldoi

Astelehen

gauerdian
Xalaparta
txarangari
harrera berezia
egingo zaio
udaletxean, 25.
urteurrena
betetzen bait dute
aurten ●

eta buruhandiekin kalejira egingo da. Ordu berean, Santa Barbara elkarteko hiru danborrariei oroigarri bana emango zaie, danborra jotzen ateratzen diren 25. urtea bait da aurten-goia; Inazio Setien, Faustino Elizetxea eta Sebastian Ormaetxea omenduko dituzte.

Arratseko bederratzietan Herriko Eliza nagusian Salbea izango da, ondoren Parrokiko koruak eta Kantuz Abesbatzak, Tomas Garbizuren 'Ernani' obra abestuko du. Bederatzi t'erdietan San Juan sua piztuko da eta 10.30etan Santa Barbara elkarateak ohizko danborrada joko du. Akelarrearen tenorea 23.15etan izango da Goiz-Eguzkin, eta prestakizunak 17.00etan hasiko dira Gaztetxean.

Astelehena lasai samar hartu behar harko txistularien kontzertua entzun edo boletan saiotoxo bat eginez. Eguerdiko ordubatean erretiratuak bazkari berezia izango dute euren egoitzan. Gauerdian Ezkiaga pasealekuan Udál Musika Bandak 'Oroitzapen emanaldia' eskainiko du, pasodobleak, tangoak... Ordu berean, Xalaparta txarangari harrera berezia egingo zaio udaletxean, 25. urteurrena betetzen bait dute aurten. 1.00tan dultzainariaren eskutik dantza herrikoia izango dira Plaza Berrin, eta aurten berria den Larraín Dantza egingo dute.



Danborradak urtero jende ikaragarri bildu ohi du.

Ostegunean bai. Ostiralean?

■ Azken egunak badu bere xarma, gogoz heltzen zaie azken orduetara, joaten utzi nahi ez eta, ahal dena zuktuz, datorren urtea amestuz, aurtengo lige eta parrandak ahotan direla.

■ Akelarre, dantzaldi, kirol saio eta gau aztoratuaren ondoren nekatuak izango dira noski gorputzak, baina ostegunari ohorezko tarte egin behar zaio. Goizean kalejira handia egingo dute eskualdeko txistulari taldeek, gero plazan kontzertua eskainiko dute 13.00 eta 16.30etan.

■ Atsegindegin euskal jaialdia 17.00etan izango da. Aurten gauza berri azpimarragarria zera dugu: San Juan konparsaren ikuskizuna. Orain ehun urte Hernanin dantzatzeko zen aurrekoa dantzatzeko dute hogeitabi bikotek, orduko janzkera desberdinak erakutsiz. Iaz lagun talde batek 1982an bertan behera utzitakoari heltzea erabaki zuen. Ingurutxo dantzatzeko dute kalez kale, Gudariaren plazara iritsi arte, bertan garai bateko aurrekoa dantzatzeko.

■ Seietan haurrentzat izango den dantzaldia Ostadarrek alaituko du. Hamaiketarik aurrera Eganek bere puntua jarriko dio gauari, agur esaten duen gau gazi-goziari.

HASTEKO

Santa Barbaran

Plater
tiraketa

10:00

GOSEA EGITEKO

Gestoren tabernan

Pailazoak
eta
txokolate jana

17:00

GAINERAKO

Gestoren tabernan

Kaxiano
eta
Junkera

22:00

POSTRERAKO

Ezkiaga pasealekuan

Rock gaua

24:00



EKO

JAI ZORIONTSUAK OPA DIZKIZUEGU

★ SAN JUAN BAUTISTA KOOPERATIBA
Las Villas auzoa **HERNANI**

EKO